



ԹԵՄԱԿԱՆ ԿՅԱՆՔ

ԼՈՒՐԵՐ ԱՄՆ-Ի ԱՐԵՎՄՏՅԱՆ ԹԵՄԻՑ

**ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ
ՕԳԼԸՆՏԻ Ս. ՎԱՐԴԱՆ ԵԿԵՂԵՑՈՒՄ**

1984 թվականի հոկտեմբերի 13—14-ը, շաբաթ և կիրակի, հիշատակելի օրեր եղան ԱՄՆ-ի արևմտյան թեմի և հատկապես Օգլոնտի Ս. Վարդան եկեղեցու համար, որտեղ թեմի բարեխնամ առաջնորդ գերաշնորհ Ս. Վաչե արքեպ. Հովսեփյանը, համաձայն Հայաստանյայց եկեղեցու կանոնի և ծեսի, քահանա ձեռնադրեց Ս. Վարդան եկեղեցու երկարամյա սարկավագ՝ բարեշնորհ Ռիչլորտ Սարաֆյանին:

Հոգեպարար արարողությանը մասնակցեցին Հյուսիսային Կալիֆոռնիայի հոգևոր հայրերը՝ գերշ. Ս. Արիս եպս. Շիրվանյանը՝ Սան Ֆրանցիսկոյի Ս. Հովհաննես եկեղեցու հոգևոր հովիվ, արժ. Ս. Վազգեն քին. Մովսեսյանը՝ Սանթա Կլարա հովտի Ս. Անդրեաս եկեղեցու հոգևոր հովիվ, իսկ Կենտրոնական Կալիֆոռնիայից՝ արժ. Ս. Շահե ավ. քին. Ալթունյանը, հոգևոր հովիվ Ս. Պողոս եկեղեցու (Ֆրեզնո), արժ. Ս. Գևորգ քին. Առաքելյանը, հոգևոր հովիվ Ս. Գրիգոր Լուսավորիչ եկեղեցու (Ֆաուլդեր), արժ. Ս.

Վարդան քին. Գասպարյանը, հոգևոր հովիվ Ս. Աստվածածին եկեղեցու (Եդեն), և արժ. Ս. Տաթև քին. Թաթուլյանը, հոգևոր հովիվ Ս. Սահակ—Մեսրոպ եկեղեցու (Րիտլի):

Քահանայական կոչման կարգը տեղի ունեցավ հոկտեմբերի 13-ին, շաբաթ օրը, երեկոյան ժամը 19-ին: Արարողության ընթացքում գերշ. Ս. Արիս եպս. Շիրվանյանը թեկնածուին ներկայացրեց ձեռնադրիչ առաջնորդ սրբապան հորը:

Հոկտեմբերի 14-ին, կիրակի օրը, ս. պատարագ մատուցեց սրբապան հայրը: Սուրբ Գրոց ընթերցումից առաջ սկսվեց ձեռնադրության կարգը՝ ըստ Ձեռնադրության Մաշտոցի: Ձեռնադրող սրբապան հայրը, թեկնածուի հավատքն ու ուղղափառ դավանությունը հաստատելուց հետո, ձեռնադրեց նրան: Իսկ «Ողջոյն»-ից առաջ ընծայվող քահանայական պգեստով կանգնեց ս. խորանի վրա, և առաջնորդ սրբապան հայրը, «Առաքելոյ աղաւնոյ» շարականի երգեցողությունից հետո, սրբալույս մեռնումյ օծեց թեկնածուի ճակատը, աջ և ձախ ափերը՝ կոչելով նրան Ս. Մեսրոպ քահանա: Ապա նոր-

ընծա քահանան իր անդրանիկ օրհնությունը տվեց ժողովրդին:

Ս. պատարագի երգեցողությունը և Չեռնադրության ջարականները կատարեցին Օգլընտի Ս. Վարդան, Սան Ֆրանցիսկոյի Ս. Հովհաննես և Սանթա Կլարա հովտի Ս. Անդրեաս Հայաստանյայց եկեղեցիների միացյալ դպրաց դասերը:

Հավարտ ս. պատարագի հավատացյալները մոտենալով համբուրեցին նորած ջահանայի աջը:

Սարաֆյանը իր խորին շնորհակալությունը հայտնեց առաջնորդ սրբապան հորը, թեմական խորհրդին, եկեղեցու ծխական խորհրդին և ողջ համայնքին՝ իրենց ցուցաբերած քաջալերության և արտահայտած ազնիվ զգացումների համար:

Արժանապատիվ Ս. Մեսրոպ քին. Սարաֆյանը ծնվել է 1933 թվականին Ֆրեզնոյում (Կալիֆոռնիա): 1951—1954 թվականներին նա հաճախում է Կալիֆոռնիայի համալսարան Պլոբլի քաղաքում և ստանում «Պսա-



Մի պահ ձեռնադրության արայողությունից

Օրվա հոգեպնայլ արարողություններից հետո, եկեղեցու սրահում տեղի ունեցավ պաշտոնական ճաշկերույթ՝ ի պատիվ նորընծա քահանայի: Ընդ 500 ճաշկերույթի մասնակիցներ իրենց ներկայությամբ պատվեցին եկեղեցու նոր հոգևոր հովվին:

Հայտագրին իրենց խոսքով մաս կապեցին առաջնորդ սրբապան հայրը, գերջ. Ս. Արիս եպս. Շիրվանյանը, Ս. Վարդան եկեղեցու ատենապետ Անդրանիկ Անթառամյանը, թեմական խորհրդի փոխատենապետ Մայք Մատաճյանը և Սուրեն Թումաճյանը: Բոլորն էլ, իրենց հոգեկան երջանկությունը հայտնելուց հետո, շնորհավորեցին նորընծա քահանային և հաջողություն մաղթեցին իր հովվական ծառայության մեջ:

Գեղարվեստական բաժինը կատարեց միացյալ երգչախումբը՝ ղեկավարությամբ Էդուարդ Կոտոջյանի:

Հայտագրի ավարտին արժ. Ս. Մեսրոպ

կավոր Արվեստից» վկայական՝ եվրոպական պատմության մեջ: 1955-ին ընդունվում է Անթիլիասի Դպրեվանք, որտեղ վարճացնում է իր հայոց լեզվի և կրոնական գիտելիքները: Նույն տարվա հուլիսին փոխադրվում է Երուսաղեմի Սրբոց Հակոբյանց վանք, որտեղ երկու տարի հետևում է կրոնագիտական և աստվածաբանական դասընթացներին և 1957-ին ձեռնադրվում սարկավագ:

1957-ին Ս. Մեսրոպ քահանան վերադառնում է Միացյալ Նահանգներ և հոգևոր երկու վարժարաններում կատարելագործում իր աստվածաբանական գիտելիքները՝ ստանալով բարձր վկայական:

Անցնող 25 տարիների ընթացքում Ս. Մեսրոպ քահանան Օգլընտի Ս. Վարդան եկեղեցում ծառայում է որպես սարկավագ, Կիրակնօրյա վարժարանում՝ որպես ուսուցիչ և վերակացու: Իսկ Արևմտյան թեմից ներս իր բաժինն է բերում թեմական խորհրդի

կողմից կապմակերպված հավաքներին, որոնց ընթացքում նա բանախոսում է կրոնական պանապան թեմաների շուրջ:

Աստուծո կամքով նորընծա քահանան իր անդրանիկ ս. պատարագը մատուցեց Օգլնտի Ս. Վարդան եկեղեցում, 1984 թվականի նոյեմբերի 3-ին, շաբաթ օրը:

«Էջմիածին» ամսագրի խմբագրությունը ձայնակցում է շնորհավորանքներին՝ մաղթելով, որ արժանապատիվ Ս. Մեսրոպ քահանա Սարաֆյանը ունենա արդյունավոր ծառայություն Հայաստանյայց եկեղեցում և մասնավորապես Արևմտյան թեմում:

ՆՈՐ ՏԱՐՎԱ ԵՎ Ս. ԾՆՆԴՅԱՆ ՀԱՆԴԻՍՈՒԹՅՈՒՆՆԵՐ ՇԻՐԱԿԻ ՀԱՅՈՑ ԹԵՄՈՒՄ

Աստվածորդու Ս. Ծննդյան տոնի առիթով հանդիսավոր ս. պատարագ տեղի ունեցավ Լեկինականի առաջնորդանիստ Ս. Աստվածածին «Յոթվերք» եկեղեցում, ուր պատարագեց և Նոր տարվա ու Ս. Ծննդյան խորհուրդը վեր հանող քարոզ խոսեց Շիրակի թեմի առաջնորդ գերաշնորհ Ս. Նարեկ եպս. Շաբաթյանը: Նա ի թիվս այլ մտորումների ասաց.

«Մարդիկ դարձյալ փայփայում են երպրներ և հույսեր, ապրում սպասումներով և ձգտումներով: Անցել է հին տարին, որպեսզի պարզևի նորը՝ նոր ծրագիրներով, ի խըն-

դիր լուսավոր գալիքի: Երկիրը շարունակում է իր պտույտը, և մարդը պետք է ջանա ըմբռնել կյանքի խորհուրդը և ժամանակի իմաստությունը: Քրիստոնյաներիս համար ողենիշ պետք է լինի Քրիստոսի Ս. Ծնունդը, որպեսզի վերածնվենք հոգեպես, ապրենք ոգեկան կյանքով՝ աստվածահաճո և մարդահաճո, լի հավատքով դեպի մեր գործը: Սրտաբուխ աղոթքով դիմելով Բեթղեհեմում ծնված Աստվածորդուն, ասենք. «Նորոգող հնությունաց, նորոգեա և զիս, նորոգ պարզաբեա, Ամեն»:

ՈՂԶՈՒՆԵԼԻ ՆԱԽԱԶԵՌՆՈՒԹՅՈՒՆ ՈՒՐՈՒԳՎԱՅԻ ՀԱՅՈՑ ԹԵՄՈՒՄ

1984 թվականի փետրվարի սկզբներին, որպես հոգևոր հովիվ, Մոնտեվիդեո մեկնեց Մայր Աթոռի միաբան Ս. Հակոբ վարդապետ Գլընձյանը:

Հայր սուրբը Արևմտյան Գերմանիայում իր հովվական ծառայության մեջ ընդհանրապես աչքի էր ընկել որպես անձնորդ և նվիրյալ հոգևորական:

Մոնտեվիդեոյում պաշտոնավարելու առաջին իսկ օրից հայր սուրբը լծվեց չափազանց շնորհակալ մի գործի: Բացի հովվական իր ծառայությունից, նա ծավալեց հայրենասիրական բեղուն գործունեություն: Հայր սուրբը Մոնտեվիդեոյի հայկական վարժարանում հաստատեց նաև հայկական դասընթացներ՝ քրիստոնեական կրոնի և եկեղեցու պատմության ծրագրով, որպեսզի սփյուռքի մատաղ սերունդը գաղափար կազմի ինչպես քրիստոնեական կրոնի մասին ընդհանրապես, այնպես էլ Հայ եկեղեցու մասին մասնավորապես:

Հայր սուրբը 1984 թվականի հոկտեմբերի 3-ից, լուրաքանչյուր չորեքշաբթի օր, Մոնտեվիդեոյի Հայ Մշակութային Սրահում, ի լրագումն մերը նշված դասընթացների, կապմակերպում է կրոնական և եկեղեցական

թեմաներով դասախոսություններ:

Առաջօր դասախոսություններ են կարդացվել հետևյալ թեմաներով.

ա) «Ի՞նչ է կրոնը և որոնք են աշխարհի գլխավոր կրոնքները».

բ) «Երեք գլխավոր միաստվածյան կրոնքները».

գ) «Հայոց հեթանոսական կրոնքը».

դ) «Ի՞նչ է եկեղեցին».

ե) «Հայ եկեղեցիներու մնացորդները Վանա լիճին շրջակայքը մեր օրերում», դիպուկությամբ:

զ) «Չրադաշտականությունը և Չարադուստրան».

է) «Ընդհանուր ակնարկ եկեղեցվո խորհուրդներու մասին».

ը) «Քրիստոնեության մուտքը Հայաստան».

թ) «Հայ եկեղեցվո ծագումը (Սկիզբն մինչև Քաղկեդոնի ժողովը)».

«Էջմիածին» ամսագրի խմբագրությունը ողջունելի է համարում Ս. Հակոբ վարդապետ Գլընձյանի սույն ազգանվեր գործունեությունը և մաղթում նրան է՛լ ավելի եռանդ՝ իր այս շնորհակալ աշխատանքի ընթացքը արգասաբեր դարձնելու համար: